

## Prässlufthammer

Wie gschnäll sind 180 Sekunde  
vom ne schöne Lied verschwunde  
Drüü Minute Prässlufthammer  
gönd vill länger, s'isch en Jammer  
S'isch zwar nöd wahr wämmer's misst  
Aber wämmer d'Ziit vergisst  
Rännt sie eim, das isch halt so  
Ohni dass me's merkt devo

De Ziit naaränne, Ziit totsclah  
Säg emal wie söll das gah  
Wänn d'Ziit gliich immer wiiter lauft?  
Au wämmer e Ragete chaufft  
Ziit ufhole, Ziit iischpare  
chasch nöd mit em schnällschte Chare  
well d'Ziit gliich immer wiiter gaht  
Häsch es pressant? Bisch trotzdem z'schpaat

Ziit vergüüde, Ziit verlüüre  
S'isch nöd eifach zum das gschpüre  
Ziit isch ume, Ziit shtaht schtill  
Aber nie dänn wämmer's will  
Ziit ufhole, Ziit iischpare  
chasch nöd mit em schnällschte Chare  
well d'Ziit gliich immer wiiter gaht  
Häsch es pressant? Bisch trotzdem z'schpaat

Wie gschnäll sind 180 Sekunde  
vom ne schöne Lied verschwunde  
Drüü Minute Prässlufthammer  
gönd vill länger, s'isch en Jammer